

臨湘縣志

地270.73

38

126

同治十一年重修

臨湘縣志

儒學衙門藏板

重修臨湘縣志序



風俗者教化之轉移也因革者法令之權衡也志乘者都邑之文獻而治忽繫焉操觚竄定者謀於野而不合於邑則陋博乎古而不通乎今則迂與夫知方不知員知常不知變者均

臨湘縣志

序

一

難識時務達治體雖鉅心剡日畢竟瑜不掩瑕安能訪先哲遺規備已往掌故供當時博采爲後代取裁纂修之責不綦重哉同治丙寅余蒞陸城任適楚南續修省志令各邑志書一律修輯特與熊英臣歐陽雨蒼兩學

博商推設局網羅舊籍未幾解組庚
午復來承乏又得朱詠之廣文共司
其事反剗刻僞提要鈎元兼有聞望
紳者採周訪實辛未冬始克成編復
倩監利王子壽比部叅訂將付剗刷
都人士索弁言於余夫宰官臨民欲

知一縣風土民情因革損益典章文
物按籍而稽必徵乎志志者制治之
梯航今時縣志卽異日省志也陸城
接壤鄂垣東南層巒疊嶂西北襟江
帶湖爲楚南門戶民貧地瘠水患頻
仍兵燹後瓦礫荒榛瘡痍滿目廢者

勢難卽興邑志自康熙二十四年修後迄今一百八十餘年未經補葺宰斯邑者何以徵一邦文獻知因革之制度風俗之汙隆乎今觀書中於天時之往復地理之變遷人物之顯晦重加考訂凡關國計民生者觸類

而長之見聞悉廣不陋不迂方員適宜可常可變列爲十四門每門各立小序挈綱分目起例發凡縷晰條分已然之迹粲然大備其源出於鄭漁仲通志二十畧馬貴與文獻通攷二十四門皆如堂之有構帛之有幅通

貫曉析可謂精審矣然其形勢重在
輿圖物利重在茗菴王子壽序中所
謂轉移之術在示儉備豫之謀在設
險二端切中斯邑時務蓋瘠土之民
雖嚮義今有此荼利服飾器用一增
於華漸流於侈是在上者敦本務實

以身示儉也礪卡雖設歲修乏資年
久傾圮固宜籌款重建然地有常險
守無常勢尤在量勢爲守險也余前
後受事將閱四載慚無因利革弊移
風易俗之善政幸逢是書告成忝列
名於簡端異日纂修省志以及後來

君子欲廣教化施法令觀今鑑古彰
往考來此書列眉指掌行見不脛而
走不翼而飛卽以上供

聖代輶軒之掌錄焉至若城垣之久圯署
廨囹圄倉廩之被焚羣流未遠浚其
源眾毛不整振其領皆有係於治忽

臨湘縣志

序

五

局於時艱費鉅修復未能寸心時深
耿耿今氛祲已消當人龢咸理百廢
具興之際姑存其念以待能者是爲
序時同治壬申九月既望知臨湘縣
事長白恩榮識於蕤湖書院



序

經經而史緯褒貶是非史即經
之斷制史合而志分纂言記事
志即史之取裁經也史也志也
名雖殊而興教之旨則一同治
戊辰夏彥待罪臨湘教諭時大

臨湘縣志

序

一

吏檄修邑志歐陽雨蒼廣文已
羅散佚供采擇矣己春虎臣胡
侯至商定凡例開局學齋賴多
士參互考訂越二年粗有成橐
復得恩筱農明府暨豐都王子
壽比部為之折衷至壬秋乃授

之梓夫邑之有志搜故實紀文物是豈誇多鬪靡快一時之耳目云爾哉蓋嘗綜而論之觀天察地斷自方輿始繇是以建置安其居以食貨溥其利以學校正其趨既庶而后富既富而后

教也教莫急於禮禮莫重於祭故典禮秩祀次之文教既修佐以武備故兵防次之然微表率則民勿從微登進則士勿勸故秩官選舉次之教成於國賢才興起故人物列女又次之至立

言亦不朽之一由本及末蔚為
藻采夫是以藝文終焉其卷首
繫輿圖者先圖後書注經之遺
法也卷末綴拾遺者博物知變
作史之餘事也簡編以序歸趣
瞭然矣彥司鐸以來愧不能宏

作育為風俗倡而補舊輯新竊
願邑人奉之如家乘如譜系體
述往風來之意動高山景行之
思如是而已後之君子蒞官斯
邑公退之暇披覽圖書未必非
觀民設教之一助也若謂準情

酌理義不違經按部就班體皆
合史彥滋懼矣敢自信無罪乎
哉同治十一年歲次壬申仲冬
月朔日潭州朱俊彥謹序



重修臨湘縣志序

余於咸豐八年冬奉

命

振鐸是邦與都人士講學之餘詢及

邑中志乘僉謂自康熙乙丑修志
之後迄今將二百年不惟繼纂未
能印舊志亦難覓完本道光之季
曾議興修繼以兵燹籌費維艱遂

臨湘縣志

序

一

爾中止余曰噫嘻一邑之大人材
輩出豈可使文獻無徵乎余不能
辭其責也常愧之於心莫釋越丙
寅之春奉文重修省志調取各州
縣志以備采選爰與熊英臣廣文
亟集士紳合商之於邑侯恩筱農
明府先籌經費繼纂條規開局創

始力任其事聘湖北名進士王子壽先生總其成搜討舊聞網羅散軼務期遐稽博采勒成全書未幾朱詠之學博至共加修纂商訂體例徵古以求其信準今以覈其實有闕典要者片語單辭必錄無當勸懲者崇論閎議必刪夫志猶史

也史之體二司馬氏資治通鑑義本尚書朱子作綱目取法春秋要皆善惡並載而褒貶以寓志則稱善不稱惡體與史殊然使人興起於善自遠於惡知斯志之正人心厚風俗輔助政教夫豈小補且分星野則周官保章之法也辨土宜

則禹貢壤色之分也賦稅有額急
公之義著廟社有建事神之禮昭
學校賓興鄉飲勸農法典教養並
施治一邑之道即治天下之道文
以載之修舉而罔敢失墜志之體
通於史而義本於經於是分門別
類詳悉紀述源上本上燦若列眉

臨湘縣志

序

三

較諸舊志之多所挂漏已廣大悉
備矣至於邑中之大而且重者莫
如示儉與設險二端是有待於後
來立教之君子思患而豫防王序
中已詳言之余又奚贅焉今樂此
志之成因述主修之原以見前之
懃上懇上於斯者不過明余初心

期告無愧於士民已耳
同治十一年歲次壬申仲冬月上
浣之吉國子監學正銜臨湘縣訓
導銜安仁兩蒼歐陽恩霖撰



重修臨湘縣志序

初心所居距臨湘邑治僅隔一衣帶水
耳先皇在明萬厯時解額通籍里附
貫焉至初心時交遊姻黨多其邑人故
見聞亦尤悉按茲邑志乘雍正後開修已
久道光之季議增葺緣事巾寢寤以
寇難遂束高閣咸豐時歐陽兩蒼博
士至乃披羅事蹟假借書籍備采擇

凡留心於補輯之有年久之朱詠之
博士至益決意增修相與叢凡起例延
邑人共加編纂彙具以授初心商榷討論
而思彼農大令欣然為業梓費遂
勒成書愈謂初心宜為序言古凡邑乘
之有先後體相沿而意不相離不啻其山
川也日變者政教風俗也後之視先按其
變者為言故世多取乎相襲不也竊嘗綜

茲邑之盛衰升降而通論之縣始立時幅員殊狹東南多山西北多水蓋磽瘠實甚近者茗苑之利驟興駸于泉流地上矣夫則約之變為否也邑自承平既久罕言武備迨粵逆倡亂土賊蓬起毗連楚北江右窺閩闔入蹂躪殆遍矣則僻之變為衝如之夫沃衍之滋復之萌也晏安其危

之漸也近寶乃貧末富不如奉富如使之悉緣南敵土物以威復蕩之途日塞此其轉移之術在示儉狃於何堪自謂無患不知夫伏莽踰瑕去之有時竊者如邑中要隘分而扼之何啻金湯此其備豫之謀在設險是之端在為邑者之大本且重者矣而皆不見於前志豈非盛衰升降流極使然至乃著